

通典卷六十七

唐 京 兆 杜 佑 君

卿 纂

禮二十七 嘉十二

天子敬父

虞

漢

魏

晉

虞舜踐帝位乃載天子旌旗往朝瞽瞍唯謹以子道○

漢高帝五日一朝太公後加尊號爲太上皇

具追尊
祖考編

○

魏廢帝常道公璜景元元年十一月燕王表賀冬稱臣

帝卽燕王宇之子
宇稱臣故以爲疑

詔曰古之王者或有不臣今王宜依

此表不稱臣乎又當爲報答夫係大宗者降其私親况

所係者重耶若使同之臣妾朕所未安其皆依禮據典
當務盡其儀有司議奏以爲禮莫崇於尊祖制莫重於
王典陛下紹大宗之重崇三祖之業伏惟燕王禮尊屬
戚正位藩服躬秉虔肅以先萬國其於王典闡濟大順
誠宜割以非常之制奉以不臣之禮臣等評議以爲燕
王章表可聽如舊式中詔所施宜曰皇帝敬問大王侍
御議又云至於制書國之舊典朝廷所以辨章於天下
者也宜循法故云制詔燕王議又曰凡詔命制書奏事
上書文書有應稱燕王者皆云上字其非宗廟助祭之

事不得稱王名奏事上書及吏人皆不得觸王諱以彰殊禮加於羣后席上遵王典尊祖之制俯順聖旨敬承之心○晉何琦議曰父母之尊擬則天地君親之道資敬是同今承受命運君臨率土而父以子尸天位不敢子天子以明王者之道而子以爲雖天子必有尊也推斯以言父自必臣天位之君而子自必尊天性之父

皇后敬父母

後漢

晉

東晉

後漢獻帝皇后父屯騎校尉不其亭侯伏完朝賀公廷完拜如眾臣及皇后在離宮后拜如子禮三公八座議

或以爲皇后天下之母也完雖后父不可令后獨拜於朝或以爲當交拜令后存人子之道完不廢人臣之義又子尊不加於父母雖曰天王后猶曰吾季姜欲令完猶行父法后專奉子禮公私之朝后當獨拜或以爲皇后至尊父亦至親交拜則父子無別完拜則傷子道后拜則損至尊欲令公朝者完拜如眾臣於私宮后拜如子不知四者何是正禮鄭元議曰四者不同抑有由焉天子所不臣三其一后之父母也天子尙有不臣者況於后乎春秋魯隱公二年紀履緌來逆女冬伯姬歸於

紀又桓九年祭公來遂逆王后於紀九年紀季姜歸於京師或言逆女或言逆王后蓋義有所見也女雖嫁爲隣國夫人其尊無以加於父母嫁於天子者此雖已女成言曰王后明當時之尊得加父母也紀季姜歸於京師更稱其字者得行禮而戒之其尊安可加父母耳今不其亭侯在京師禮事出入宜從臣禮若后適離宮及歸寧父母從子禮丞相徵事邴原駁曰考經云父子之道天性也明王之章先陳事父之孝女子子出嫁降其父母婦人外成不能二統耳春秋左氏傳曰紀履緌來

逆女列國尊同逆者謙不敢自成故以在父母之辭言之禮敵必三讓之義也祭公逆王后於紀者至尊以無外辭無所屈成言曰王后紀季姜歸於京師尊已成稱季姜從紀子尊不加於父母之明文也如皇后於公庭官僚之中令父獨拜違古之道斯義何施漢高五日一朝太上皇家令譏子道不盡欲微感之令太上皇擁篲卻行稱臣雖去聖久遠禮文闕然父子之義五品之常不易之道寧爲公私易節公庭則爲臣在家則爲父是違禮而無常也言子事父無貴賤又云子不爵父○晉

武帝太康元年楊皇后親蠶儀注曰皇后乘輦羣臣皆

拜安昌君平立

安昌君楊皇后父也

至壇下輦后乃拜安昌君及

升壇后乃爲安昌君設榻於其位至還后復拜○東晉

穆帝永和九年褚太后見父博士胡訥議從漢郝原議

又按武帝楊后公庭之內皇后拜安昌君也則公羊傳

子尊不加於父母焉博士徐禪依鄭元議曰臣聞成均

之法導以忠孝歷代同之故鄭元議王庭正君臣之禮

私覲全父子之親是大順之道按先朝羊元之羊后之

父也公朝之敬躬秉臣節后之歸寧亦執子道雖無記

注今朝士備識而先蠶儀乃太康中事至惠帝之代元
之便自不可同漢代四說之異歷代垂疑此論不成由
來尙矣中書監何充曰如禪所正可勅御史左將軍入
在公庭則修臣敬皇太后歸寧之日則全子禮申諭內
外奉行太后詔典禮未詳情所未安司徒蔡謨議父子
天倫之極尊也君臣人爵之至敬也先王之制不以人
爵之貴加於天倫之尊經曰雖天子必有尊也言有父
也是以虞舜漢祖雖身爲帝父爲匹夫敬事之禮不異
畎畝之中此先聖之遺範也鄭元注禮言子事父無貴

賤又云子不爵父嫌卑之也加其爵位猶所不敢況乃南面而受拜乎今皇太后雖臨朝王者之父本無拜禮何充又奏依鄭元議君臣父子之道存焉燕王稱臣於魏寶武錄尙書於漢已行之舊典也

燕王魏廢帝父太寶武漢寶后父太

后詔具所啓舊典誠無以相易然此實所悚懼不寧者

也

何充與庾翼書褚將軍還朝值太后臨朝時議褚侯雖后父乃晉臣也宜用鄭議或謂諸王宜不拜耳乃

不稱臣燕王非比也又云寶武雖受爵太后錄尙書事而漢無拜文爲疑故恐大義乖錯褚侯旣不拜便是異姓太上皇也此巍巍亦庶姓不敢妄翼答曰中古以上未有母后臨朝女主當陽者也乃起漢耳雖或權宜僕所不然處也代主雖有幼蒙萬機寄於冢宰無以坤得臨乾矣當今后德賢明褚侯讜正得命參貳阿衡遐邇

之幸議者謂燕王不足爲準竇武無拜文此制不出賢
聖也武既受其爵位亦無不拜禮也鄭君之言適合情
理今太后既臨天位褚侯便是人臣人臣而不拜君位
受官而不循天則切所不安若不遠準古義雖爲天王
后猶曰吾季姜漢以前事不與今同漢加太上皇太上
未見崇戴卽是子爲天子而父爲士者耳乃建崇號位
冠帝王爲喻也今褚侯
由來晉臣不可得準

養老

虞

夏

商

周

後漢

魏

後魏

北

虞氏深衣而養老

凡養老之服皆其時王所與羣臣燕
之服也有虞氏質深衣而已孔穎達

云人君養老有四種一是養三老五更二是子孫爲國

死難而王養死者父祖三是養致仕之老四是引戶校

年養庶人之養國老於上庠養庶老於下庠而用燕禮

老四代皆然養國老於上庠養庶老於下庠而用燕禮

庠養也上庠右學大學也在西鄉下其禮尙矣憲養氣

庠左學也在國中國中王宮之東其禮尙矣憲養氣

體而不乞言

憲法也養之爲法其德行自五帝則有斯也

有善則記之爲惇

史

惇史史惇原者也

○夏氏燕衣而養老

改虞制而尚黑衣裳

養國老於

東序養庶老於西序而用饗禮

東序東膠也亦太學在國中王宮之東西序在

西郊

○殷人縞衣而養老

殷尚白而縞衣裳

養國老於右學養庶

老於左學而用食禮

食音嗣下同

○周制元衣而養老

元衣素裳

養國老於東膠

膠之爲言糾也

養庶老於虞庠虞庠在國之西

郊

皆學名也異者四代相變耳或上西或上東或貴在國或貴在郊周之小學爲有虞氏之庠制是以名虞

庠云其立鄉

兼用虞燕夏饗殷食之禮

兼用之備陰陽也凡飲養陽氣

學亦如之

食養陰氣陽用春夏陰用秋冬

夏官羅氏仲春羅春鳥獻鳩以養國老

春鳥蟄而始出者是時鷹化爲鳩與
春鳥變舊爲新宜以養老助生氣也
月令仲秋天子養

衰老授几杖行糜粥飲食

行禮也

五十養於鄉六十養於

國七十養於學達於諸侯

天子諸侯養老同也

八十拜君命一坐

再至九十使人受

命謂君不親饗食必以其禮致之

凡三王養老皆引

年

已而引戶校年當行復除也老人眾多非賢者不可皆養

乞言合語之禮皆小樂

正詔之於東序

乞言養老人之賢者因從乞善言百行者也合語鄉射鄉飲酒大射燕射之屬

也鄉射記曰古者於旅也語

凡大合樂必遂養老

大合樂謂春入學釋菜合舞秋頒學

政合聲於是時也天子則視學

天子視學大昕鼓徵所

以警眾也

早昧爽擊鼓以召眾警猶起也周禮凡用樂大胥以鼓徵學士

眾至然後天

子至乃命有司行事興秩節祭先師先聖焉

興猶舉也秩常也節

猶禮也使有司攝其事舉常禮祭先師先

有司卒事反

聖不親祭之者視學觀禮耳非爲彼報也

命告祭畢天始之養也

又之養老之處凡大合樂必遂養老是以往焉言始立學也

適東序釋尊於先老

親奠之者已所有事也養老於東序則是親奠於上庠

遂設

三老五更羣老之席位焉

三老五更各一人也皆老年更事致仕者也能更知三德

五事者也天子父兄養之示天下之孝悌也名以三五者取象三辰五星天所因以照明天下者三老如賓五更如介羣老適饌省醴養老之珍具

親視其

遂發咏焉

退脩之以孝養也

發咏謂以樂咏之退修之謂卽迎而入獻之以醴爵畢而樂闋

反登

歌清廟

反謂獻羣老畢皆升就席乃席工於西階上歌清廟以樂之

旣歌而語以成

之也言父子君臣長幼之道

語談說也歌備而旅旅而說父子君臣長幼之道

下管象舞大武

象武周武王伐紂之樂也

有司告以樂闋

闋終也

王乃

命公侯伯子男及羣吏曰反養老於東序終之以仁也

羣吏鄉遂之官王於燕之末而命諸侯時朝會在此者各反養老如此禮是終其仁心也

食三老五

更天子袒而割牲執醬而饋執爵而醕冕而總干所以

教諸侯之悌也

冕而總干親在舞位也三者道成於三謂天地人也老者舊也壽也詩云方叔

元老書稱無遺耆老之言則罔所愆五者並訓於五品

更者更也五代長子更相代也言其能以善道更改已

也故三老五更皆取有道妻男子完具者爲之鄭元曰

老更五言之矣皆老人更知三德五事者也蔡邕曰更

當爲

○後漢明帝永平二年三月以李躬爲三老桓榮

爲五更帥羣臣養於辟雍

月令章句曰三老國老也五更庶老也應邵漢官儀曰三

老五更三代所尊安車軟輪送迎至家天子獨拜於屏鄧辰曰漢直以一公爲三老五更無常

先吉日

司徒上太傅若講師故三公人名用其德行年耆高者

一人爲三老次一人爲五更也

盧植曰選三公老者爲三老卿大夫中老者爲

五更

皆服都紵大袍單衣皁緣領袖中衣冠進賢扶玉

杖五更亦如之不杖皆齋於太學講堂其日乘輿先到

辟雍禮殿御坐東廂遣使者安車軟輪迎送三老五更

天子迎於門屏交禮升自阼階三老升自賓階至階天

子揖如禮三老升東面三公設几九卿正履天子親袒

割牲執醬而饋執爵而醕祝鯁在前祝體在後五更南

面三公進供禮亦如之

譙周五經然否曰漢初或云三老答天子拜遭王莽亂法度殘

缺漢中興定禮儀羣臣欲令三老答拜城門校尉董鈞駁曰養三老所以教事父之道也若答拜是使天下答子拜也譙周論曰禮尸服上服猶以非親之故答子拜士見異國君亦答士拜是皆不得視猶子也虞嘉曰漢儀於門屏交禮交禮卽答拜矣中興謬從鈞議後已革之甚得禮意明日皆詣闕謝恩以

見禮遇大尊著故也和帝以魯丕爲三老安帝亦以魯

丕爲三老又以李充爲三老元初四年詔日月令仲秋

養衰老授几杖行糜粥方今八月按比之時郡縣多不

奉行雖有糜粥糠粃泥土相半不可飲食

按此詔漢代猶依月令施

政事靈帝以袁逢爲三老賜以玉杖

玉杖長九尺端以鳩爲飾鳩者不噎之鳥

欲老人之不噎也

○魏高貴鄉公甘露二年天子親帥羣司行

養老之禮於大學命王祥爲三老鄭小同爲五更祥南

面几杖以師道自居天子北面乞言祥陳明王聖帝君

臣政化之要以訓之聞者莫不砥礪○後魏孝文帝太

和十六年詔以前司徒尉元爲三老前大鴻臚卿游明

根爲五更於明堂設國老位庶老位於階下皇帝再拜

三老親袒割牲執醬而饋執爵而醕於五更行肅拜之

禮賜國老庶老衣服有差旣而三老言曰自古人所崇